

明

史

明史卷七十七

志五十一

選舉七 銓選上

太祖倣古六卿分職以六部總天下大政凡任官之事文歸吏部武歸兵部而吏部職掌尤重始太祖亟于羅致天下士行科目令郡縣歲舉薦入太學人材輻輳京師足任使其奏對稱旨者不次擢吏部惟凜奉上意銓授無成格迨後徵召廢不行異數鮮少官吏皆部選始駸駸有定制洪武元年設吏部尚書等官二十九年定吏部四司曰文選驗封稽勲考功皆系以清吏而文選特掌班秩品命升授注擬敘補之

事選人自進士舉人貢生而外有官生恩生功生監生儒士又有吏員承差知印書算篆書譯字通事諸襍流各釐其品式而進士為之首進士自洪武四年殿試畢授官不等二十一年始著例一甲授翰林官二三甲撥各衙門辦事以次除內外官已後有庶吉士之選庶吉士自洪武十八年選入翰林辦事始以後考選無定期俱由內閣送學士等教習業成乃留用洪武中令翰林院考馭諸司奏事永樂初開東閣命解縉等入直典機務遂陞侍讀學士等已用翰林官纂修不皆由進士景泰中陳循等私所舉以襍流

員進多失。今天順二年大學士李賢請專選進士科，遂為制。自後非進士不得入翰林，非翰林不得入內閣。南北吏部及禮部非翰林不陞任。由是庶吉士人躋顯要，其留用者雖科道等不能齊驅。吳尚書胡世寧疏言：國初翰林多用徵聘之士，永樂宣德來如楊士奇、張洪，由王府審理教授黃淮、劉鉉，由中書舍人鄒濟、陳仲完，由教職如此類者，初選猶不授，其後進士初選即授庶吉士，是教競而導驕也。故初入仕有賣緣美官之心，既得除為持祿養交之計，宜復舊制，照各衙門選補嘉靖間節奉詔旨，內外官有學行純

並堪任官僚館職者兼推用輒格不行已定閱試法館員倍踰額萬曆三十五年大學士朱賡等請庶吉士每選留九人而趨附者益衆其給事中御史從庶常授者七幾率取之内外合俸者在內兩京主事中行評博及助教等在外推官知縣等有薦者俸未滿亦同之考選以人缺多寡無定額凡授職皆吏部同都察院注擬給事即實補御史試一年始實授嘉靖三十二年令部屬不許改科道萬曆初停止十五年吏部請以部寺各屬間改除有司陞部屬待科道選從之先是舉人與進士同考嘉靖間令監生得與選

已皆罷不行自科道由考選勢日重時之躁競者往往營私躐進職其事者或容長憎愛失其公平選法衰績業以耗廢明末風逾囂左都御史劉宗周疏言考選之役郎署中有自行陳乞者矣推知中有減俸行取者矣是視臺省為必得之物也賑濟也建城也防河也而減俸有至三年二年者是以臺省為微勞之勸也祈嚴勅考選必以恬競分別行之懷宗穩其弊每于一奏對定去取卒貿亂鮮實効積漸使然也考選外每年吏部六考六選凡引選六類選六遠方選三單月考序以給選雙月大選以補缺又單月為

急選其改授改降并丁憂候補者次入之惟初授職
及考定陞降者入大選其揀選三歲行舉人乞恩選
歲貢就教選歲無常凡陞職必滿考若員缺應補不
待滿者曰推陞類推上一人單推上二人惟內閣大
學士吏部尚書由特旨間一下廷推侍郎等及祭酒
吏部會同各三品以上廷推太常卿以下部推通叅
以下吏部于弘政門會選詹事由內閣各衙門各掌
印而遷除吏部悉掌之其大臣子姓不令在言路同
屬者則以卑引避仍改授始大學士楊士奇令三品
以上保舉始陞補己李賢言其弊仍歸部未幾霍韜

又言吏部之弊請五品以上皆會推說互異至景泰
後著為令布按缺三品以上會舉餘還吏部大約選
事不得不歸本銓吏部得其人而委任責成固無不
善也弘治中命四品以上官親檢除其權寔下移廣
緣內侍得職者以千計皆不由吏部謂之傳奉官正
德間傳陞益以夥嘉靖中土木禱祀之事作賈術婪
恣旁午交發此皆叢蠹之尤者其後選舉日益乖往
往緣計簿飾虛文以相謾欺而銓法已極壞在外官
惟總督巡撫屬廷推當洪武時勅遣大臣循行天下
雖有巡撫名無常設迨後始專命巡撫總吏治已添

設總督提督經畧等至推鹽撫民屯田等皆特使所
設尚書輒倍之侍郎至四五人不等並兼都御史便
糾劾邊地兵備等率付劾敘陞仍管事知府及佐貳
亦如之其為有司者薊遼則昌平薊州等山西則大
同河曲代州等陝西則固原靜寧等凡六十有一處
俱為邊缺慎選除立功者越次擢貽悞者罪無赦內
地大率以序遷叅議遞陞叅政至布政僉事遞陞副
使至按察已捷陞不以次又額外多添設崔銑議之
曰官添則缺廣缺廣則易轉倖門一啟居亡固志事
至借限以逃貢事成爭知而讓過今守巡之外別立

數銜皆高坐司畧止以文移相維屬不亦濶乎抑非徒冗員也又苦代巫即善政美意誰適為治誠知其人或先超遷後久任誠善其政或先久任後超遷即淹序乘除與驟遷適等何必輟轉煩促乎蓋時有一歲中僉事至叅政四五遷者而京堂亦推恩日較濫陞例有正陞閏陞並勞陞才望陞摧折陞等支節既多復先襍畚附私者益以不可校泊其季屢旨察核卒亦莫之能禁也凡考滿三年給由曰初考六年再考九年通考綜其稱職平常不職三者奏請黜陟之大臣封廕出特恩其加銜賜資有常數餘注冊王官

則否諸部寺所屬皆署職考滿始實予外官率逸考
以待覈襍考或一年或三年或九年郡縣之繁者降
簡一等不稱互調之凡考察京官自弘治時定六年
一察以己亥歲四品以上自陳候上裁五品以下察
其致仕降調間住為民者有差冊奏請致天監御用
監等官則否外官三年一朝覲察從之以辰戌丑未
歲先期撫按總其屬考事狀造冊報自有八而察例
有四與內同凡計處者不致用大臣不保舉南京例
同諸考課吏部考功司實贊決其振厲百官尚書首
任之而持風憲以激揚清濁都察院為之寢宣德特

擢顧佐掌院事。勅曰：都察院為朝廷耳目，國家紀綱。得人則庶政清平，羣僚警肅。爾毋枉良善，縱奸宄。各道御史廉勤公正者，留用；贓罪者，降黜；員缺，選以充。弘治中，命都御史戴珊慎擇各御史，其內外官率以計典為最要。然或始相促急，寢怠弛，凡輕材下位，懷疑內顧，習為欺隱，而妄加採納，使虛誕者獲譽，拘謹者罹毀。於是法令滋彰，巧飾彌衆，而考課亦無以得其實。嘉靖末，御史毛愷疏言：京官考察止憑各衙門訪來，分近勢親，其情易私；外官尤難，此由毀譽之言易感受憎之情，易投也。其人而賢者，或因故有不

解之勢乘隙有不自之情而屢負不肖跡其人而不肖或以小伎文其奸厚貌藏其惡又或反覆以搖衆詭譎以持局而得冒賢者名此取舍所以不當也時之積弊太率如此宣德正統間科道九年有保舉陞知府監司無陞同知有特薦陞僉都侍郎等官部屬官有特薦者亦然凡外官考察府察所屬上下其考州縣以月計上府歲計上省三歲計上吏部當洪武初凡選州縣官以到任須知畧文首祀神以次恤孤獄囚田土制書吏典倉庫會計公廨等三十二條俾銓授者闕讀遵將至官報如式否以達制論已下恤

民勅頒職掌于有司三歲入覲諸司冊上之定留用
官為三等治行卓異者為上召見賜坐宴稱職為中
宴亦坐不稱職為下不與宴屏立以示甄別制勅布
政司理所屬官察勤惰辨廉污綱舉須知事目按察
司察督之有縱官吏為暴者巡按御史立糾劾永樂
時諭吏部曰守令出一時銓注豈必盡才其令巡按
御史及按察司精考郡縣吏半歲以上貪廉能否之
實其時出按者至郡邑即具報帝謂尚書蹇義曰御
史不博詢何由公宜嚴戒勅毋枉毋縱仁宗即位又
諭義曰御史非老成識治體者不任己命監察御史

循天下察吏治諭曰牧守多貪忍為尅害然有專為
脂膏而發民有不善違迎而得民有虐刑巧取而集事
有廉潔自守而政務不舉必究實聞自此外官以吹
相廉察藩臬二司總郡縣高下而巡按又總之甚至
巡撫不敢專行布政而下日伺意旨為趨承有崖異
者胥怒而擠之陰注下考壓抑矣故二司以下惟巡
撫之是聽職掌皆棄而不治至于州縣政令一稟于
監司雖瑣事輒斷以冒德科條其節目下之使必行
數歲間藩臬諸大吏三四易而州縣承其猥率以僥
倖塞責其能遵奉者亦工文移以浮詞附和已耳高

吏部未言舊制有司三年考滿得平常不稱名令優任其緣事降職除名者許伸理其後人廣而途塞多立名色以汰之用以疏通選調而察黜煩煩初無裨益况巨奸老黠倚伏深巖又考察所不及乎宜令撫按歲會藩臬官面覆其人自辨實其說不果用而時之吏治亦逾衰嘉靖初夏言疏謂弘治前內外臣工相濯磨國家政務鮮不修舉正德以還貨賂公行而刑賞出于私天下遂蕩然不知名節行檢之可貴說誠然後之論者又以為選法實壞于納例夫以貢監正途而例得之則補授靡濫法亦以沮廢是以納例

起考法亦從之弘治間以被災納米令免考尚書王
恕曰考課之法以嚴吏治也各官廩祿有限而襟職
之祿尤微非取于公必剝于下是使考課法格不行
而貪黷之風日滋也斯言也諒矣哉神宗蒞政慎保
舉肅計典除閏考法孜孜于吏治已漸弛希御朝章
奏不一省萬曆二十年後推陞大臣至二十餘上不
報選司久缺吏事停閣行取考選累歲耽延舊擬科
道八十餘人時僅數人凡封駁劄發直廬巡視皆苦
不給按差輒二三年一代三十七年吏部尚書孫丕
揚以累奏沈閣疏求解職大學士葉向高奏言承平

無事人主嘗視士大夫輕而視官重及至有事士大夫亦視身家重而視官輕禍不忍言矣有旨慰留而遷補之淹滯如故時六卿奏事皆留中法紀日紊亂而門戶之禍起于京察舊例京察于正月舉行二月畢事時累遷至四月不得下于是被論者百計揣摩以為羅織有人致加玷缺其黨與為之撫拾剖辯主者又謂之撓亂要挾彼此紛爭而朝廷概無禁止聽其相角于是言官氣焰橫厲迭作二三柄臣惡其煩囂朝奏夕去不俟詔命而臺省益操予奪之權用以徇私交塞賢路其禍遂自此不復止時有齊楚浙三

黨迭與東林構難支分派引咎日多辛亥丁巳兩
京察擾攘多故從此黜陟大典胥借為報復之局黨
類排連戈矛互發而銓政一途不可問矣當洪武初
翁張羣材用法刻峻人心惴惴彈職守嗣此百有餘
年風厲名節嘉靖當正德之後俗稍漸靡士大夫猶
各嚴重持大體至萬曆時上操不信之心以待其下
下挾不忠之說以欺其上是非繆亂政事隳裂蓋明
之人材一壞于毅宗之蕩佚再壞于神宗之廢弛迨
門戶起其害相糾結者三十餘年至于國家喪亡而
後止皆萬曆間所釀成也天啟初趙南星為冢宰鄒

維鍾夏嘉遇等佐之凡各直省司官缺欲其直省公
會舉以極一時選先此孫丕揚行掣籤法有造籤計
缺等弊請罷之以復舊制其~~建~~按所屬請嚴核不得
舉劾失真貪酷漏網時尚一一稍振刷亡何權歸大
璫盡天下名賢廢斥之顧以銓政起大獄而人材之
彫喪極矣懷宗即位如意廓清與海內更始元年諭
吏部今後藩臬郡縣等官照祖宗朝選期陞轉不許
改調兼命巡撫務選周知民隱者畀以保釐加銜久
任不得內外頻遷二年令內外增設官員悉出駢贅
俾官省事清各修厥職三年詔以添註閏陞一槩停

止科道及吏部司官有才品兼優者陞監司次陞知
府若才品勞勩兼茂及司道車異特著者做正陞例
與京堂五年六年屢諭吏部館員應先歷推知其科
道不必盡由考選七年用倪元璐議吏部先以治行
考科道即送內閣選館員甲乙以文授官仍部議崇
禎初吏事整頓如此已以兵餉重催科凡考選必先
核錢糧又用戶部言以額徵責成撫按命御史回道
嚴核撫臣歲終奏奪劉宗周劾書有司以培克為循
良而撫字之政絕上官以催徵為考課而黜陟之法
亡皆利啟之也功利之見重而廟堂之上不勝其煩

頃者嚴賦吏之獄而貪風不盡息。導之者未善也。帝
迂其言，不能用。時帝汲汲求賢，冀得一二以安內攘
外，而其下黨同伐異，僅以名儒相軋，不復國家為意。
執國柄者曲意迎合，幸免督過。一切政事，惟上所向。
無駁議執奏之事。部曹皆因仍故習，互為隱覆。而大
小職業率已頽廢。帝乃欲大破成格，以圖振起。有武
舉人陳啟新者，乘間上言：天下三大病，首以科目取
士資格用人為非。遂立授吏科給事中，而言路亦有
言邊疆衝道皆用乙榜不及進士為銓法之終偏者。
于是行保舉之法，亡論貢監吏士皆得授守牧官十

三年又以吏部考選不列舉貢特命貢士并歲貢二百六十餘人俱于部司及推知察補而先後奏對多以稱旨立峻擢其操縱機權加恩不測似與太祖太宗等而中外之績業無聞蓋常材而蒙異數未為得當也帝鑒熹宗失務綜覈于人材未嘗少縱舍然當天啟之後元氣銷鑠而後加以嚴密吹毛索瘢欲以得非常之人致非常之用天下之適而去者多矣倪元璐曰今之人情率有四逆而縮朒多畏曰揣摩善規曰畫畔自了曰悠忽自廢循此四者誤國有餘其何以收非常之功乎蓋神宗熹宗時宜少嚴也而失

之弛縱懷宗時宜少寬也而失之煩苛寬嚴相反各非其時明之亂亡以此而門庭水火則尤其敗壞之由焉耳始明設庶司纖悉具備成化後納例寢浮益以資格相限制凡監生祇授閑散官不得與民社其儒士差與監生比譯字書篆等略與儒士同辦事後復優敘止序班即纂修不破格而音樂陰陽醫學僧道等皆有專司不與選禱流惟吏員為最夥先者設司吏後設掾史令史等已設提控都吏典吏胥吏獄典攢典酌繁簡為定額永樂二十二年嚴核減正統後數加裁汰在京各衙門吏典猶三千二百六十餘

人由外咨內者分急撥大撥以充缺仍以揀撥互行之缺繁存揀撥缺簡入大撥不許假劾勞免覆考凡考外以二內以一為考滿其出身在一品衙門者與從七品而遞降之至從九品止凡轉補亦按衙門遞進之自京衛經歷至吏目止降則以鹽場驛遞關壩稅課河泊等官及邊遠裨職兼補授承差于三司送部辦事二年選襟流知印以宗人府五府考中者除從八品餘少殺通事亦如之皆未及吏典若六部諸司都吏各一令史典吏多寡不等勾稽注籍皆出其手叢弊殊甚崇禎初御史有言胥吏一途冒濫多而

為數既煩，鑽營巧而出選，更易其所踞，強半皆貢監之席也。今冗員既除，選途較窄，此輩之神通依然如故，而壅塞之苦，貢監受之矣。勅與出選之時，可不嚴為沉汰乎？今非實歷正額者，不與官，而各吏皆津津戀却，缺不以選為事。先是例初起，納者衆，令上糧者先上選，已創隨到隨考法。又有控年取捷為控選枝官，散吏蹊徑百出，而納例禠其中銓法之所以日亂也。國初籍天下富戶，至京師，太祖意以殷實者少，貧墨校材而用之，迄乎標季，取其資不復量其能，故濫觴一至此。懷宗五年，嚴禁止，已海內多事，人盡

絕意罕求進其納例亦不復舉云

選舉八 銓選下

太祖以武功定天下置五府皆及司衛所各軍職以控制中外兵部尚書籍而掌之屬以四司曰武選職方車駕武庫而武選特掌除授陞調襲替功賞之事凡武職有世官有流官世官九等曰指揮使及同知僉事衛所鎮撫正副千戶百戶試百戶皆有襲替職流官八等曰都督及同知僉事都指揮使及同知僉事正副留守類以世官陞授或兼武舉用之洪武二十六年定例凡陞授調補復職皆由部覈實請旨永

樂初令有功陞都督都指揮及見陞者與流官其千
百戶等與世襲國初武職率以勲舊其後叅用將材
三歲武舉六歲會舉歲薦舉隸之兵部以次除授凡
大選宣德三年奏定條式一色目二狀貌三才行四
封贈五襲廢仍具保勘憑考核始設官有定制其後
陞授滋廣分現任帶俸不拘額而未實授者有署職
試職納職之別凡署職加本職一級准半之不支俸
試職作一級俸半之非軍功亦實予都指揮以下擬
陞五府以下署職者有勞績並從原職加陞雖恩典不
實授各都司僉書及內地叅遊等悉如之在外衛所

官以指揮陞都指揮者仍改註以千戶功陞者不列銜納級者雖有功俱于原銜所帶俸諸不由銓授保薦朦朧奏請及乞恩傳奉單舉選法者傳以罪始太祖慮世職有不率以武士訓戒錄大誥武臣錄頒之太宗時屢勅諭軍政號嚴肅己法紀隳壞選用紛襍成化中添設旗軍校尉勇士等正德間冒功陞授三千有奇嘉靖中霍詹事韜疏言太祖之設軍職也成化中增四倍今又幾倍矣以錦衣一衛言之初額官二百有五員今千七百員增八倍矣洪武初軍功襲職令軍功子弟年二十者比試初試不中聽襲職署

事食半俸二年再試中者食全体仍不中降充軍法
至嚴故材勇者擢庸劣者黜職不冗而俸易給自永
樂來新官免比試舊官即比試賄賂無不中此軍職
所以日濫也永樂中克平交趾祇賞賚無陞職逾年
奏捷獲馘者陞矣奏帶者緝妖言捕盜者陞矣巧冒
陞遷此軍職所以益冗也宜命大臣循清黃例盡內
外武職差次功等考其祖宗相承或叔姪弟兄繼及
或洪武永樂年間宣德以復劫或內臣弟姪恩蔭或
勲戚駙馬子孫或武舉取中各分數等嘿寓汰省之
法許世襲許終身或許繼不許繼各具籍冊昭示以

激勸于是命給事中夏言等查覈冒濫言等疏言弊有三奏帶之數太多紀驗之次失實而武功之法盡壞也鎮守官奏帶例止五名今至三四百名故一人而奏帶數處者有之一時而數處獲功者有之他復巧立名色紀驗不加審覈銓選又無駁勘其改重陞併功加授之類弊端百出宜盡革以昭神斷部核如議而宿蠹乃清蓋勲閥世胄荒于職掌而府衛為虛設駟僉之姦得相蔓引以窳其中漸使然也凡會推五軍都督府掌印缺于見任公侯伯推二人僉事缺于帶俸公侯伯及在京都指揮在外正副總兵推二

人錦衣堂上官及前衛掌印缺照五府例推二人都
指揮留守以下上二人正德十六年令五府及錦衣
衛必由都指揮累著勲庸許陞授諸衛官不以世獨
錦衣以世兼令掌詔獄嘉靖中令部試擢二人始奏
用鎮撫司員缺于衛鎮撫銓補五府官于本衛推用
各都司掌印僉書官聽鎮巡以下保舉而奏請除授
悉兵部掌之各直省設都指揮使司二十一留守司
二衛九十二守禦屯田郡牧牛戶所二百十有一以
至苗蠻設土司不等所屬上之府移部聽選仍移府
下之都司衛所而首領官亦有隸之吏部者永樂初

增立三大營設管操官各哨有分管坐營官坐司官
景泰中設團營十已設有十二後設三各有坐營官
命親信大臣提督之嘉靖中令提督不與推坐營許
推用顧自成弘來勲爵用事廣恩俸冗員既多納級
者復猥瑣滋甚裁汰以數千計萬曆十五年詔令嚴
加察核又諭非世職武舉不許領勅管事及推舉咨
用弊少減而每年六選選祇五六人武舉仍壅塞不
得進萬曆二十三年議將武舉在京衛者送京營在
邊腹者咨督撫酌量委任三十九年令三科武舉先
給劄付齎投督撫三薦始陞用四十四年兵部又議

正薦者次錄之其提薦揭薦以二准一分數則世職
七之科三之舊科于世職內量用一人三科有薦者
于武科內間一酌用至于出身行伍祇論戰功凡戰
功奇功為上首功次之首功四等先述北次遼東次
西番苗蠻次內地而遞補復不易大約明季武途有
四曰實職曰武舉曰行伍曰納級時選政稠濁蠹弊
日增神廟中令提鎮科道會同兵部品年資課技藝
序薦刻分為三等名曰公選然司其事者皆飾取虛
名未求實効此選法之所以逾壞而釀禍于後也凡
軍政成化二年令五年一行以見任掌印帶俸差搯

及初製職官一體考選十三年令兩京通考以為常
五府大臣及錦衣衛堂上官自陳請旨已命各直省
總兵官亦如之在內五府斬屬並上直衛所官悉從
巡視官及部官注送在外都司衛所官憑撫按造冊
繳部副叅以上千戶以下屬都布按三司祭註由撫
咨部叅詳類奏其與選者孝陵衛官自弘治十二年
始錦衣衛官自正德十年始騰驤四衛官自嘉靖八
年始洪永間管軍百戶自嘉靖九年始內外衛所裏
庸者即令承替自隆慶六年始內外員皆有定額無
增減臨期不許輒更調錦衣衛管戎務者倍加嚴考

南北稍次之各衛所及各地方守禦並各都司隸之
巡撫者選例同惟管漕運不與考若屯田于考選時
擇其廉幹者萬曆元年通行各撫按衙門以掌印管
屯為主有幹濟先註用其膂力堪抗禦委各路管軍
餘充差各衙門俟保薦推用凡役占軍士缺班額欠
屯糧失盜領運干犯皆依例降級有差營求囑託者
立黜之永帶俸萬曆二十四年兵部題請京營將領
三年一揀選坐營以下通請考察八月又令武臣以
任責成崇禎時屢飭兵部將勲衛等官廣咨嚴核以
昭勸懲然亦隨牒注擬行五年故事而已武官爵止

六品其世職廢者襲老疾者替歷世以多故絕以旁
支繼族屬疎遠者名犯堂例不許限以年六十子替
職洪武間定以嫡子襲替長幼次及之絕者嫡孫庶
子孫次及之又絕者以弟繼永樂後取其官舍旗軍
餘丁曾歷戰功者令原帶俸及管事襲者悉因之其
降級子孫仍替見降職事弘治時令旁支減級承襲
正德中令旁支入總旗時冒濫日衆嘉靖間始革其
傳陞乞陞者令照小旗例收充并鎗有功乃陞授其
旁支無功者不得保送凡陞職官舍照父級其陣亡
保襲者許流官一等並查皇親官員子孫黃選有欽

依者襲一革內外銜所試職署職官獲功止實授冒
陞及越陞皆減革其納級不准襲侍衛將軍襲替亦
遞降應役者充校尉不及者與力士止一革凡襲替
官舍以騎射試之洪武三十一年以後為新官子孫
出幼者免比試以前為舊官俱比試其以旗役錄用
者仍併鎗陞降之凡世職難稽覈故例特詳而長弊
叢奸卒無能得其用始太祖慮後世武臣有不軌為
之損事權使大小聯屬相控制軍旅不得擅調發或
以文臣專治之曰總督曰提督或與總兵兼治之曰
贊理次曰監軍曰贊畫並以部員佐其事邊塞重地

總兵稱將軍予以印否則大征討始授之已仍繳諸
衛所不得私自下符檄指揮以下巡撫得咨部進退
之數十年間海內晏安不用兵革舉大小軍職皆俯
首帖息聽命于文吏顧其時巡撫皆握重兵掌戎務
兵上下得指使往往能奮其力以討叛逆平寇盜神
廟以降撤武備者五十餘年崇禎當廢弛之後流賊
蹶起欲振興武職有鎮七撫三之議于是巡撫勢日
衰而地方仍舊有其責有失陷率加以重罪而總兵
不之問玩師失衆至流寇蔓延而不解所由來也當
成弘之際凡京營邊鎮類以中官監視相為掣肘懷

宗時數撤數遣既以猜疑待天下而欲憑武選以收功名之途收將士之用豈有少益哉崇禎十六年諭兵部謀勇之將加意遴選有功績者不時列奏且令卓異諸臣選入樞曹者一同詞臣臺省陞遷比他選獨優其于武途揚厲過當冀或得人材成大功而時已不可為矣當其始防馭太嚴使武臣皆受制于文臣故二百餘年將士皆兢兢奉法一無擁衆恃強圖為不逞之事然皆不能展其志雖有大帥立功邊鄙並以金錢結納朝士要非有戰勝攻取之殊績其後假借太濫武臣驕恣不用命文臣又力無以制之而

僅相推諉飾功掩過幸免于督責此明之所以敗而
抵于亡法雖具而謂之無亦可也其文臣任子畧與
武職襲替等由嫡子及其孫與義皆以序而恩降五
等一品正廢子五品正從次之遞降至七品凡三品
以上考滿得敘者為官生出特恩不限品者為恩生
有補廢有改廢初授率中書舍人等考既滿陞銜仍
辦事其授部員歷俸六年者遞進萬曆初命官恩生
出身者果歷任賢能藩臬京堂許推用然束于常規
未能躡進往往添註加銜至太常卿而止至宗職始
列宗學為宗生已許奉國中尉以下與鄉會試萬曆

三十四年李廷機議封爵科目原屬兩途今既從科目應照士子一體銓選于是部議以中式者二甲選知州三甲選推官知縣鄉舉亦例補俱不補京職崇禎八年議以宗秩換授禮部署侍郎陳子壯疏言今謂進士豈必賢于鄉舉則鄉舉豈必賢于貢監貢監豈必賢于齊民夫然天下胥為齊民以待舉已耳何必辛勤計偕乎今宗藩中將軍中尉有祿食之貴誰肯避逸而趨勞而謂將有劉向李勉趙汝愚之才未必然也按洪武定制未嘗以換官職與科目並著惟賜採納允罷前議懷宗怒下之獄仍令鄉議宗室中

有文武才考驗換授九年禮部議以宗才薦舉由保
舉長史啟親王核勘以聞下部咨詢分差等策問或
召對然後因才以授官在外府佐州縣正及教職在
內部曹及中行評博陞轉如常例聽撫按舉劾顧其
後績業罕著官爵鮮通顯宗職亦遂以停罷大約明
自洪永來文以制科武以世勲文武率二途已耳因
沿日以蠹壞叢集重以末季寇患交訌一無可恃于
是大破資格異途雜流皆力推引上而宗室下而編
氓無不揀錄冀得一二才俊以資其用而顧嘗試無
一効術逾窮而材逾絀勢遂阨危不可救夫自古世

之治亂勢而已矣。勢在下，雖天下有所恃，而其衰也，輒有強藩叛帥之患。勢在上海內，拱手奉一尊，而其亂也，遂文弛武玩，相退縮以迄于亡。蓋祖宗之任人，網張目舉，未始不極其用，而後漸以凌替也。崔旣嘗論之曰：國家有漢之全盛，無其強；無宋之苟安，類其弱。皆由士業草率，登仕太易，鮮治經世之學，官多牽制，遷代太數，不予專斷之權，斯其盛衰之故也哉。故畧次其本末，俾後有考焉！

明史

地理志敘

自黃帝畫野分州唐虞建牧設服沿及三代訖於唐
宋廢興因革天槩可考而知也元起於漢北城金亡
宋混於中外其疆域之廣爲亘古所未有累傳以降
君德不綱羣雄鼎沸明太祖奮起淮甸首定金陵西
滅陳友諒遂靖湖湘東兼張士誠克平吳越然後遣
將北伐先取山東兼收河南於是進取元都幽燕底
定復遣軍四出芟除秦晉訖於嶺海最後乃盪平巴
蜀收復滇南禹跡所界庶幾盡入版圖矣初時改易

元制肇建京都洪武九年復盡革元行中書省爲布政使司十五年又改置雲南布政使司計京師十布政使司十三以分領天下府州縣及羈縻諸司之屬爰於京師置五軍都督府十三司置都指揮使司以綜領衛所番漢諸軍其邊圉疆索則增置行都指揮使司用以安內攘外經理綦密矣太宗起自燕藩入承天統奮其武畧北逐亡元南平交趾又西固哈密東衝合蘭營北京增設交趾貴州二布政使司然大寧既棄東勝復移漸滋肩背之慮宣宗以交趾僻在遐荒遂棄於黎氏與民休息未爲失策但開平一衛

南徙獨石邊備米免益疎二十年中遂成土木之變
成祿之間紛更差少武宗盤遊釁孽屢作幸無大故
及世宗嗣位西北兩邊驛騷相繼初年棄哈密既復
棄河套而倭寇縱橫東南皆爲之糜爛識者謂履霜
堅冰明祚不延實兆於世宗之世也穆宗之季邊患
稍弭神廟冲年踐祚初政庶幾可觀逮於衰晚邊事
恣弛輿尸屢告再傳而外釁內訌縱橫竝作萬方塗
炭四海陸沉天下事遂至於不可復爲此雖謀國者
之不臧抑亦天命有廢興歟大約明之盛時爲直隸
者以白京師曰南京爲布政司者十三曰山東山西

河南陝西四川湖廣浙江江西福建廣東廣西雲南
貴州其分統之府凡一百有四十州百有九十三縣
共四百三十八又羈縻府十九州四十七縣六編里
共萬九千五百五十有六戶九百三十五萬二千一
十有五口五千九百九十五萬八百有一而兩京都
督府分統各都指揮使司十六行都司五留守司二
其所屬衛共四百九十三所二千五百九十三守禦
千戶所三百一十五又土官宣慰司十一宣撫司十
安撫司共二十二招討司一長官司一百六十九蠻夷
長官司五至藩屏中夏稱重地者則爲九邊曰遼東

薊州宣府大同榆林寧夏甘肅太原固原皆分統衛

所，~~衛~~擊撥列軍戎

邊防隨地附見故不重列

蓋國初封畛東起朝

鮮西接吐蕃南至安南北距大磧東西一萬一千七百五十里南北一萬零九百里訖於嘉靖以後則東起遼海西至嘉峪南至瓊崖北抵雲朔東西萬餘里南北萬里其升降之差沿革之實可得而紀焉爲地理志

明史卷七十九

志五十三

地理二

京師古幽冀地秦爲上谷鉅鹿漁陽右北平四郡西

漢分屬幽冀二刺史部晉曰幽冀二州唐曰河北道

宋曰河北路而白溝河以北則沒於契丹金初置河

北東西路尋又爲中都等路元置中書省統山東西

及河北地洪武元年兵臨大都元主北遁九年置北

平等處承宣布政使司北至宣府外爲邊地東至遼海與山

東接南至東明與山東河西至阜平與山西統府八

州二屬州十七縣一百一十六爲里三千二百三十有奇其都司所領衛

所諸司有實注
者俱附見後
永樂元年建北京稱為行在十八年

始定都焉改布政司為直隸洪熙初仍稱行在正統

末年始定為京師

順天府

古燕冀地漢廣陽郡遼東曰燕京折津府金曰中都

大興府元初曰燕京路尋改中都
而大興府仍舊又改曰大都
洪武元年為北平

府永樂初建北京七年改北平府為順天府太守曰

尹永樂四年於府城中建宮殿修城垣十九年始告

赤曰紫禁城其正南門曰午門亦名承天門東曰東

城門外為皇城周圍一十八里有奇正南門曰大明

門北門之北曰長安左右門東西曰東安西安門北曰

北安門城以內百官廨舍列焉皇城之外曰京城周

圍四十里有九門正南門曰麗正門正統初改曰正

陽門南之左曰文門東之南曰齊化門後亦曰崇文門右曰順成門
後亦曰宣武門東之南曰平則門後亦曰阜成門之北
此曰東直門西直門北之東曰安定門之西曰
日彰義門後亦曰西直門北之東曰嘉靖二十三年
德勝門城以內皆坊市環列之地也
崇文門城以內皆坊市環列之地也
為七門正南門曰永定門其旁為左安門右安門又
東曰廣渠門東便門西曰廣寧門西便門四十二年
又增修北門甕城蓋南襟河濟北枕居庸左領州五
環滄海右擁太行京城形勝實甲天下云
縣二十二年而通隸府起縣花七
有大通河亦曰通惠河先人所開運河也又盧溝河
在南即柔乾河登源山西蔚州流入界出西山為盧
溝河至武清縣小直沽入宛平縣折蘄縣置出都
牌一名潭河亦曰小黃河宛平縣遠曰宛平有盧溝
橋王平口驛家莊右港口四巡檢司西有西山良鄉
沙河高梁河文潯河及古車箱渠皆在西北
漢縣本在涿州北五代唐移縣於固安曰固安元升
此補周薛驛東有漢廣陽廢縣

為州洪武初復為縣東南有方城故縣永清漢益昌
久拒馬河在縣西南即易水下流也永清縣唐曰
承東安漢安次縣元曰東安州洪武初降香河武清
清東安為縣西有故常道城南有易水香河武清
縣通州漢洛縣隋通州唐幽州洪武初為通州有和
置通州州之洛縣全置通州洪武初為通州合驛
萬曆四年移張家灣改水驛又有洛河水馬驛有弘
存橋廵檢司有東西二倉貯東南清運州東有孤山
白河州距府城四十里領縣四三河唐置有三河
兵河北有洵河武清漢雍奴縣唐曰武清有河西水驛
西有洵河武清漢雍奴縣唐曰武清有河西水驛
立廵檢司西有故雍奴城東南又有故泉州鄉縣置
城又荷泉州渠在縣南又東南有直沽海口鄉縣置
郡陸縣元曰州洪武初降州為寶坻漢泉州縣地
縣西有延芳淀又有蘆臺廵檢司東有潮河又縣於新
倉鎮有堤壘有蘆臺廵檢司東有潮河又縣於新
西南有堤壘有蘆臺廵檢司東有潮河又縣於新
各地漢屬渤海唐幽州永清縣洪武初以州治益津
地五代周始置霸州後因之洪武初以州治益津

縣省入

州北舊有巨馬河南有沙河又東

仍曰霸州

州非府城二百十里領縣三

文安

漢縣西大城東

舒縣五代唐白大城

保定

宋置保定軍尋降

涿

燕涿邑漢置涿縣唐改為范陽置涿州

洪武初以

宋遠金因之元升為涿州路尋復舊

州治范陽縣省入

又有涿鹿驛西有獨鹿山北有涿水

方岐州距府城百四十里領縣一

房山

全置萬寧縣元曰房

山又有大安山在縣北

昌平州

漢軍都縣唐

元屬大

洪武初屬北平府永樂中屬順天府正德元

年升縣為州旋罷八年復升為州

舊治白浮園城景

縣遷於城內有榆河驛嘉靖三十四年改隸永安

城三

城西北有天壽山太宗以下陵寢所莫也南有白浮

山西南有駐蹕山又南曰榆河東南曰濕餘河又州
西北有居庸關城古亦曰軍都關州東南又有羣
城嘉靖十九年築東北又有黃花鎮弘治州距府城
中置渤海守禦千戶所於此以衛山陵州距府城
九十里領縣三順義州北齊置歸德縣唐以後爲順
初自順天府改今屬有順義馬驛東有懷柔唐置金
漢狐奴廢縣又東有白河西南有榆河懷柔曰溫陽
縣元廢洪武初復置今縣正德初自順密雲後魏置
天府改今屬東有黍谷山西有白河順密雲後魏置
後皆爲檀州洪武初州廢正德初自順天府改今屬
有瓮雲驛南有漢白檀廢縣東南有庫真廢縣又南
有白檀山東北有霧靈山又白河在西潮河在東
關隘則古北口石塘嶺關塙子嶺關並在縣北
薊州古燕國秦漢漁陽唐曰薊洪武初以州治漁陽
縣舊有灤陽驛東北有北平城雄武城又西北有
薊州有州距府城二百里領縣四玉田縣唐曰

玉田有陽樊驛東北有無終山徐無山又東有黎河
北有庾水東南有興州左屯衛永樂初自故開平境
移置豐潤金折玉田縣置有義豐驛北有遵化五代
於此豐潤漢土垠俊龐二廢縣南有沙河遵化唐置
舊有鐵冶遠置景州金州廢有遵化驛東北有五峰
山嶺有靈山及龍門峽又東有灤河西南有黎河
縣北又有喜峰口漢縣晉廢金復置西北有漢
馬蘭峪松亭營關平谷漢縣晉廢東南有洵河又有

如河東北不

有夏謀澤

平谷滑鹽廢縣東南有洵河又有

保定府

趙國地漢涿郡信都中山國唐為洪武初改
冀州地宋置保州元升為保定路

為府領州三縣十七而直隸府之縣凡九自府至郡

城三百五十里清苑倚漢樊與縣地隋置清苑縣
宋曰保塞金復曰清苑有金

臺馬驛又有涇陽驛嘉靖元年設有張登巡檢司東
南有漢樊與廢縣南有樂鄉廢縣北有徐河西有清

苑滿城後魏永樂縣唐曰滿城舊安肅宋置縣金為
有方順橋巡檢司後革安肅安肅州治元

安肅安肅州治元

廢縣存州洪武初改州為縣有白水在淇驛東南有故遂
城縣西南有廢城北新陽縣置有宣化驛有河陽新城唐
又有水定興金折范陽縣置有馬亦白溝河新漢置
龜水新泰州尋復故洪武初屬雄州六年改雄縣唐
先曰新泰州尋復故洪武初屬雄州六年改雄縣唐
今屬有汾水驛東有廢新昌縣南有白溝河雄縣唐
白歸義五代周置雄州治焉宋改縣曰歸信洪武初
縣北廢易京城後漢末公孫瓚所築也又有白溝河亦在
有廢易京城後漢末公孫瓚所築也又有白溝河亦在
縣北廢易京城後漢末公孫瓚所築也又有白溝河亦在
焉容城漢縣唐亦曰容城唐漢舊縣有倒馬關亦在
年軍又周家鋪口軍城鎮兵嶺口舊有軍城驛萬曆九
北有中山廢城又有大茂山恒山異名也又唐河西
在縣西源出恒山瀋經定州白溝水下流合慶都望
南縣易水又西北有倒馬關古曰鴻上關後魏白博
驛縣隆白慶都有翟城博野後漢博陵縣後魏白博
年改今屬西北有故城水蠡年析博野縣置西有清渠
南有唐河亦曰港水

漢北平廢縣在縣東又廢陽城亦在東南西有伊祁

山即耳山又有祁水及瀉水濡水亦曰曲逆水也

○鄴州漢安國縣隋義豐縣唐末立節縣復名義豐

州治焉洪武初以州治蒲陰縣省入慶縣北有漢安國

西有南沙河又解州去府城百二十里領縣二深

澤漢南深澤縣後魏東鹿故鄉縣城西有漢安定廢

縣又深澤西有滋河東鹿漢鄉縣城西有漢安定廢

河在南○安州唐瀛州地宋置順安洪武七年以

州治葛城縣省入又降州為縣十四年復為州北有

西有徐河又州距府城七十里領縣二高陽漢縣

馬家河又有高陽新安全渥城縣元曰新安洪武七

關一名草橋關新安年省入安州十四年復置

○易州漢涿郡故安縣隋置易州尋罷唐曰易州全元因之洪武

初仍為易州以州治易縣省入鎮巡檢司舊有五

虎嶺官座嶺奇峯嶺口三巡檢司今革東南有古范

陽縣又有廢武陽城西南有孔山又有五迴山亦曰

五迴道又有奔嶺山西北有窮獨山瀋水所出東南

合易水又易水存州南出州境之於西山與瀋水並

東流而為白溝河所謂北易水也又有雹水出縣西

南東南流合於瓦濟河所謂南易水也州西又有紫

荆關在紫荆嶺上又西南有州距府百二十里領縣

一涑水漢道縣隋曰涑水有黃莊巡檢司萬曆十

石嶺下有涑水亦曰巨

馬河下流合白溝河

河間府晉之東陽漢河間國隋河間郡唐瀛洪武初

復為府領州二縣十六其直隸府之縣凡十自府至

都城四百十里河間倚高奔置縣有瀛海馬驛有
故武垣縣東北有廢東州縣及州鄉廢縣西南有
沱河西有滹水即易水支流也又府西北有君子館
獻漢樂成縣隋曰樂壽全置壽州尋曰獻州洪武初
司今華東南有漢景成廢縣濞阜城驛舊有阜城驛
沱河在其西南又有南單家橋阜城東有漢蒲領廢
縣其胡盧河在縣西北肅寧金折河任丘高奔置宋
即高貢所云衡漳也肅寧間縣置任丘莫州治此
元屬莫州洪武七年以州省入有鄭城驛舊有新中
驛後葉北有莫州城又西有高郭廢縣東北有長豐
廢縣又西北有易水亦曰瓦濟交河全置有新橋富
河下流為五官淀注于滹沱河北有高河以二水交
鎮廵檢司北有滹沱河西有渠又衛河亦在縣東上
名縣南又有濟河亦曰枯澤渠又衛河亦在縣東上
流自山東德州流入界下流合青唐曰乾寧軍宋曰
於滹沱天衛河西岸有泊頭鎮青清州元升為清寧
州為青縣有流河驛東有蘆臺城又有衛河滹沱河

自縣南流合焉謂之岔河口其支流經興濟宋縣有
縣北者曰獨流河又有堅固砦在縣南
衛河在靜海天楊青驛陸慶二年自武清縣改屬北
城西故砦宋置東北有軍糧城元所置也又衛河
有砦城故砦宋置東北有軍糧城元所置也又衛河
在城西北與滹沱合流至縣北小直沽入海又有丁
字沽亦在縣北其東又有鹹水沽或謂即古丘子
航縣北又有天津衛城永樂二年置為南北衝要
津相傳即古馬河○景州宋曰永靜軍金亦曰景
州尋改觀州洪武初以州治滹縣省永安東光驛亦
元復曰景州洪武初以州治滹縣省永安東光驛亦
巡檢司東有安陵故城又有龍額弓高二城西北有
衛市廢縣又衛河在東其東北有胡盧河又有李晏
顏州距府城百八十五里領縣三吳橋窩驛西南
有漢重合廢縣又漳河舊在縣東縣西有衛河此
澤鄉支流附衛水入海者也又東北有兩津枯河東
港縣南有胡蘇枯河故城元置南有衛河自山東武

河○滄州漢渤海郡地北魏曰滄州金元因之洪武初

以州治清池縣省入革西北有長蘆城及漢參戶廢

縣文故清池城在東南東北又有廢饒安縣及乾符

廢縣東濱海西有衛河漳河又西南有古屯氏河俗

曰毛河又有無棣州距府城百五十里領縣三南

河東南有浮河漢縣東南有高樂廢縣西南有隋臨津廢鹽山高

棣縣衛河在其西東南有古黃河及毛河鹽山高

棣縣隋曰鹽山北有漢合騎城東北又有廢千童縣

棣濟海產鹽有鹽山天南有古黃河東北有源榆津

廢雲隋無棣縣元分縣北境地屬滄州洪武八年置

不無棣廢縣又有古黃河
真定府古鮮靈國漢真定國隋廢唐置恒州恒山洪
武初復為府領州五縣二十七而直隸府之縣凡十

自府至都城六百三十里真定倚漢縣有伏城驛
縣改屬天有恒山驛南有故東垣城北有新市城
活河在城南上流自山西孟縣流入境下流合衛河
至靜海縣入海又北有滋河亦自山西靈丘井陘
縣流入界下流合於南易水又西有承天寨井陘
山有徑山驛東北有徑山宋置天威砦於此東南有城
獲鹿漢曰石邑唐曰獲鹿有甘淘河又故關在其西
又井陘關又有抱犢山西屏山西南有井陘水今涸
其下流靈壽漢縣有又頭鎮巡檢同西南有漳沱河
曰野河靈壽東北有衛水源出恒山禹貢云恒衛既
從此衛水也俗名雷溝藻城南有宜安城肥城西北
河東北流入於漳沱漢白樂城有關城無極漢毋
有潞水樂城驛關縣後漢白樂城有冶河無極漢毋
河改海曰無東北有苦陘城又西有新城平山隋置
後魏罷置也南有滋水又康臺在其西

縣唐曰平山舊有十八盤下口村巡檢司今華東南
有拔蒲吾城西有房山亦曰鐵山東南有叱日嶺
又北有津池河東北有冶河即甘陶河
也西有清吾渠又有天長鎮在縣東
舊有洪溝巡檢司今華東北有大茂
○定州郡改國
北魏定州隋博陵郡唐定州博陵郡
洪武初復曰定州以
州治安喜縣省入今華東有安陸廢縣又有廢固城
東北有新處城西有嘉山西北有狼山又澠水在
北赤名恒夷水即唐縣之唐河也又沙河在
合於澠水文西北有倒馬關與紫荆居庸爲州距府
內三關也采樂祿置倒馬關守禦千戶所爲州距府
城百三十里領縣三新樂隋縣有西樂驛西南有
臺曲陽漢上曲陽縣高齊曰曲陽恒山在西北恒水
縣南自山西繁行唐兩嶺口巡檢司西有滋河在
縣南自山西繁行唐兩嶺口巡檢司西有滋河在

冀州 晉之東陽漢信都縣隋信都郡唐冀州 信都郡宋赤曰冀州金元因之 **洪武初**

曰冀州 以州治信都縣省入 西有扶柳故城西南有安定

廢縣東南有辟陽廢縣又北有洚水禹貢導河北過

洚水是也亦曰枯澤下流合於漳水又漳水亦在州

北州 距府城二百八十里領縣四 南宮董家廟

檢司今革漳水在新河縣棗強廢縣東北有漢廣川

西北有洚水在北 **武邑** 漢縣東南有觀

北有黃棗廢縣又有索盧水亦 **武邑** 漢縣東南有觀

申漢盧河東北又有瀾頭戍 **武邑** 漢縣東南有觀

陽廢縣又有洚 **晉州** 古鼓子國漢下曲陽隋鼓城

水西北有漳水 **晉州** 唐恒州鼓城縣宋屬祁州元

州 **洪武初** 以州治鼓城縣省入 漢下曲陽廢縣在

國亦曰晉陽東南又有漢臨平故縣又南有漳 **州** 距

洚河即漢光武聞玉郎兵在後倉卒涉渡處也 **州** 距

府城 九十里領縣三 **安平** 漢縣西南有漳沱河 **饒**

陽漢縣有魯口城司馬懿築東北有蕪葦亭隋置蕪
陽也縣於此縣北為漳沱河西南有鏡河即漳沱走
因以名武強南東有漳河有武遂城又漳沱河在城
也口趙州郡北齊趙州唐趙州趙州趙州
并棘縣省入南有郟城驛東北有宋子城州距府城百
二十里領縣六柏鄉故城又北有郟縣城後漢曰
高邑其南為平秋亭即光武即位處又東北有南
城亦漢縣也東北有野河即槐水下流入胡盧河
隆平亦曰廣阿縣唐曰象城宋曰陸平東北有大陸澤
此高邑城漢房子縣高齊移高邑治此西南有故房子
即沃臨城唐縣東南有釣盤山南有狄水
水矣臨城山西南有鐵山西北有狄水
黃沙嶺懸檢司今華西南有贊皇山東
有五馬山又城北有槐水南有贊皇山東

寧晉縣隋曰

贊皇隋置

有舊

有

有

有

有

有

有

有

有

虞陶唐曰寧晉有百丈廵檢司新添西南有漢虞陶

故城東南大陸廢縣隋所置又有胡盧河亦曰大陸

澤亦曰廣阿澤又謂之薄洛水後代名之曰胡盧河

于度曰胡盧河即橫漳之別名深冀羣川悉匯於此

深州 漢下博縣隋置深州唐深州洪武初以州治

靜安縣省入南有漢下博縣故城南即胡盧河有

前南莽王霸詭言永堅可渡州距府城二百五十里

處葢在此俗謂之危渡口

領縣 衡水 隋置縣東有長蘆河即胡

順德府 郡國北魏改縣周立郡隋邢州唐邢州鉅

武初改爲府領縣九自府至都城一千里 邢臺 倚

信都縣 漢曰襄國宋曰邢臺有龍岡馬驛有西王廵

檢司西有古堯儀城有封山亦曰西山西北有馬嶺

黃榆嶺上有黃榆關又漳水在東南自河南臨漳縣

流入境下流爲蒹葭河至交河縣合漳沱此爲漳水

經流沙河。隋縣南有磬口山，因名。南和漢縣，西南有漳河也。又縣西北有泚水，任故渚，鄉城北有故苑鄉，城西有蓋伏流，而勿出者。任漢縣東北有故苑鄉，城西有澤內丘。漢中丘縣，隋曰內丘，有石門塞。唐山縣，西北有堯山。唐因改縣曰堯山。金山又改名西，有泚水。又宣務橋在堯山東麓。唐昭義鎮所置戍守處也。平鄉秦鉅鹿縣，後魏曰平鄉，有鉅鹿城。又東南有故平層初漳挾滏陽河而北，出會於沙沼諸鉅鹿。後魏所河，文沙丘臺在縣東北，西南又有棘原。鉅鹿置縣北有南嶽城，隋所置縣也。西南有白起城。漳水舊在東，又北有鉅鹿澤，即陸平縣之大陸澤也。澤畔舊有鹽。廣宗，後漢縣，東有經縣故城。漳水舊在西，又東有泉。廣宗，後漢縣，東有經縣故城。漳水舊在西，又東有孫瓚處也。

廣平府

晉地漢廣平國後周洛州隋武安郡
唐洛州廣平郡宋洛州元廣平路
洪武初

改爲府領縣九自府至都城千里永年倚漢曲梁
年有臨洛城隋所置縣也北有沙河又有洛水自河南
有臨洛城隋所置縣也北有沙河又有洛水自河南
武安縣流入界合於沙河西南又有洛水自河南
漳縣流入界亦曰滏陽河又西有雞澤春秋盟會處
有黃龍鎮又曲周水東有滏陽河康平恩廢縣西南有漳
有黃龍鎮又曲周水東有滏陽河康平恩廢縣西南有漳
德陵又有古肥鄉後魏縣西北有漢臺澤又西北有董
鉅橋在縣西肥鄉列人城東南有新興城慕容垂所
在縣西北鷄澤隋置東南有洛廣平金置北成安漢
在縣西北鷄澤隋置東南有洛廣平金置北成安漢
丘縣高齊曰成安西南有洹水自河南臨漳縣流入
界宇文周因置洹水縣其下流合于衛河又南有漳
水亦自河南臨漳縣流威并陘縣隋置洛水縣元
水亦自河南臨漳縣流威并陘縣隋置洛水縣元
省縣入州洪武初改州爲縣漳水舊在邯鄲叢臺有
南洛水自西流入焉西北有定陵墅在邯鄲叢臺有
西南有故城即戰國時趙都也又滏陽河天叢臺亦
氏城西北有雙岡又有洛河東有滏陽河天叢臺亦

在縣清河漢東武城縣隋曰清河西北有廢厓縣後
東清河漢曰甘陵東有廢清陽月丘二縣又西有
清河其上游即漢水也西北有隋永濟渠即衛河故
道舊名穀子渠又縣西有直渠東南有鳴犢口皆漢

時大河

隋經

失名府州魏郡五代漢曰大名府宋因之金爲大名

布路元曰洪武初改爲府領州一縣十而直隸府之

縣况八自府至都城千一百六十里元城倚漢縣

家口水驛嘉靖四十五年革有小灘巡檢司東北有

又東有沙麓山北有衛河即永濟渠也亦曰通濟渠

亦曰御河自河南汲縣流入界下流合漳河支流而

東北入海又東有屯氏故大名東魏置貴鄉縣五代

宋移治于南樂鎮洪武初廢三十一魏漢縣舊治在

縣後置北有恆山東南有屯氏故河魏今縣南洪武

初移此地名五姓店南有新舊二漳河下流俱南樂
谷于衛河又衛河亦在南又東南有回龍鎮有廢繁水
漢置樂昌縣晉曰昌樂五代唐曰城南樂北有廢繁水
城以近繁水而名東北有故平邑城南有故昌城
清豐有唐置西南有漢嶺丘故清軍城五代晉所置也
冬鉅鵠山在縣西廢縣又有德清軍城五代晉所置也
有故淇河又在縣西南有澶水下流合于繁水內黃舊有
黃池水驛嘉靖四十五年華有回隆廟巡檢司東北
有繁陽城又有柯城北有戲陽城亦曰繁陽聚西有
五馬山北有衛河東有繁水濟元以州治黎陽縣
西有澶水又黃澤在西北有繁水濟元以州治黎陽縣
以洪武初改州為縣舊有新鎮平川二水驛嘉靖四
十七年革有新鎮迎檢司西有廢衛縣西南有枋頭
城及古雍榆城東有大任山即禹貢大任也西南有
衛山西北有黑山又大河故濟在西即黎陽津也又
衛河自河南流入界淇水亦自河南淇縣流經縣西
南有衛河濟水合衛河處又西有長豐治東西
北有故陽臺亦在縣西也滑甯置滑州洪武初以州
事

治白馬縣卷八又改州爲縣有老岸鎮廵檢司東北
有鹿鳴故城東南有韋城廢縣置即故楚丘西有靈昌廢縣
也天東有衛南廢縣隋置即故楚丘西有靈昌廢縣
赤隋置大河舊經此謂之靈昌津又東謂白馬津也
宋陳非有白馬山西有天臺山北有白鼻渡東北有
胡良渡長壽諸舊俱爲大河津濟處今平陸也又古
塗堤閘在○開州曰開德府今開州元因之洪武
縣西南○開州曰開德府今開州元因之洪武
所以州治濮陽縣省入德勝渡而名五代初晉王存
勳所築夾河有南北兩城也北有古戚城東有昆吾
縣西有臨河廢縣及澶水廢縣又清丘在東南春秋
詩會澶南北又有鐵丘西有故白沙渡大河津渡也
河舊經城南北亦名鐵丘西有故白沙渡大河津渡也
故晉在州境正統十三年河決入故道旋州距府城
塞西南又有楊村爲五代初晉梁相持處州距府城
審赤市里領縣二長垣漢縣舊治在縣東北後連
新古蒲城即命治也有大岡廵檢司南有匡城北有

陳明宋置洪武初省弘治四年復置有杜勝集

永柔府舊有毛州北平郡盧龍郡北燕平州後魏北平郡

洪武初曰永平府領州一縣五而直隸府之縣花四

節府至都城五百五十里盧龍飾漢肥如縣隋曰

遼安馬驛蘆峰驛西有古孤竹城東北有合支城

南有海陽廢縣東南有樂安城又北有黃山西有濼

河及濼河東有肥如河一名小濡水俱會濼河入遼

安金置有濼陽馬驛北有都山東有濼河

撫寧漢驪城縣地金置撫寧縣有榆關驛東北有臨

樂三羊置山海衛洪武廿四年置縣北有榆河自塞外流

院口等閑又東有一片石關一名九門水口昌黎舊

縣在今大寧塞外契丹置廣寧縣于此金曰昌黎漢
屬秦縣在北西北有碣石山即高貢導河入海處也
又有石門山一名五峯山東南有溟海亦曰七里海
有黑陽河自天津連縣之海道也又有蒲泊舊產鹽
置惠民鹽場于此北有○灤州古孤竹國漢石城縣
界廢晉箕擇嶺等關○灤州隋北平州境唐平
州石城縣地契丹洪武初以州治莪豐縣省入漢石
軍灤州金元因之洪武初以州治莪豐縣省入漢石
城縣唐置南濱海灤河在其東又西南有長春淀
州耶府四十里領縣一○樂亭金置有新橋海口
○慶州漢廣甯縣隋廢唐末析置儒州契洪武初廢
井因之金置鎮州元曰龍慶州契洪武初廢
永樂十三年復置隆慶州以州治縉山縣并入隆慶
初改曰延慶州舊有紅門口棒槌峪二巡檢司今革
太西有夜泉山南有八達嶺橫嶺東北有媽川下流
注桑乾河相傳即古阪泉也又南有沽河又有岔道

口南接峽庸關建文四年燕王置隆慶衛于閔口今亦曰廷慶衛東南又有柳溝營隆慶初置城於此為

防禦領縣二州至都城百八十里永寧永樂十三年

縣地置東北有火山又有澁石嶺西北有漢河下

流合沽河入秦乾又東有四海冶堡天順八年置又

西此有靖堡東南有黑漢嶺堡北有周四溝堡俱

嘉靖中置又有割城堡萬曆三十二年所置也

保安州唐沐暹新州契丹曰保安州洪武初廢永

樂十三年復置保安州西南有永興廢縣唐末置為

縣并入景泰二年改置州于雷家站即今治也又有

苦丞鹿城及丞鹿山西北有漢廣甯廢縣亦曰大甯

又有甯縣亦曰小甯也又東有漢沮陽城西南有磐

山番山西北有磨笄山亦曰雞鳴山又有鷄兒嶺又

兼乾河在西南自山西蔚州流入界西有甯州又有

火神淀今埽州東有東八里堡良田屯堡麻峪口堡

俱洪武二十七年置州南有美峪守禦千戶所州至

接山西蔚州界景泰二年自州治西移置于此州至

都城三百里

萬全都指揮使司

唐末置武州契丹曰順寧府洪武四

年府廢二十六年改置今司領衛十五

其蔚州延安

根設守禦千戶所

亦設于本處

浙堡五自司至

都城三百五十里

宣府左衛

倚唐文德縣金曰宣

府右衛

倚宣府前衛

倚興和守禦千戶所

倚初置興

城采樂工十年移此西有順聖川東西城又有陽門

廢縣全所置也西有炭山瀉水出焉即灤河之源至

樂亭縣入海又南有洋河一名泥河下流入桑乾河

又東北有大白陽小白陽及龍門關堡東南又有鷄

鷄

鷄邊口羊房等堡俱宣德以後置

○萬全左衛

德府地

洪武二十六年置衛

洪武初廢尋置今衛

又西北有沙城西有西海子下流入洋河又會衛法
河堡在西遠金時置東有寧遠站堡永樂初置衛法

司城六十里○萬全右衛元宣德府地永樂初置今衛初

左衛同城二年移治德勝堡堡洪武二十六年所置

也北有翠屏山野狐嶺攢兒嘴西北有西陽河下流

入灤河東有張家口堡北有膳房堡上莊堡新關口

堡新河口堡又西有柴溝堡洗馬林堡西南有渡口

堡永樂以後置衛距司城八十里○懷安衛唐新州

宣德府屬大同府元屬路洪武初縣廢二十六年置衛○

保安右衛在懷安城內永樂十五年置於順聖川十

七年移治萬全右衛之沙城二十年移於此西北有

懷安衛唐懷安城在西北有城寧故城金新置縣距司城百二

十里○懷來衛唐懷州屬德與府元為龍慶州之懷來縣

唐懷州屬德與府元為龍慶州之懷來縣

唐懷州屬德與府元為龍慶州之懷來縣

洪武初置懷來守禦千戶所永樂十五年改爲懷來
左衛明年曰懷來衛。延慶右衛在懷來城內永樂

二年置隆慶右衛于居庸關口宣德五年移置于此

隆慶初改冷名

衛治即漢潘縣後周曰懷戎縣契丹

有寧武城唐置軍于此地有釜山及殿繁水 衛距司

城百五十里。開平衛洪武初置於故元之上都宣

德五年移置於故元雲州之獨石地

東有東山東北有白廟兒山北

有偏嶺又南有伴壁店堡及貓兒塔堡東北有清 衛

泉堡俱景泰以後所增築 又涼亭驛亦在東北也

距司城三百里。龍門衛 唐新州之龍門縣遠屬奉

聖州金屬宣德州元爲雲

州之望
洪武初州縣俱廢宣德六年置今衛

西有大松山北

有洗馬嶺西北有金家莊堡東
有三岔口堡俱成化以後置
衛距司城百二十里

龍門守禦千戶所
元雲州東莊地宣德六年置

有河北有牧馬堡東有滴水崖堡寧遠所距司城
及長伸地樣田等堡皆景泰以後置

四千里
長安嶺堡
漢武初置豐塔驛永樂九年

嶺千戶所
此有長
鵬鶚堡
元雲州之鵬鶚驛宣

德六年改置今
赤城堡
元雲州赤城站洪武四年

堡北有浩門嶺
赤城
元雲州赤城站洪武四年

今堡東有赤城
赤城
元雲州赤城站洪武四年

治得省縣入州
洪武四年置雲州驛宣德五年改置

今堡有龍門嶺
龍門嶺
元雲州赤城站洪武四年

安堡成化八年置
馬營堡
元雲州赤城站洪武四年

頭寨在北元所置也
馬營堡
元雲州赤城站洪武四年

西北有冠帽山南有灤河又西北有君子堡
西有松樹堡東南有倉上堡俱宣德以後置

舊開平衛

元上都路開平府

洪武初改置衛宣德五年廢

大寧衛

遼中京路大寧府金曰
北京路元曰大寧路

洪武十三年收復二十

年置大寧衛又設北平行都司於此永樂初廢

京師雄峙東北關山險固形勝甲於天下其俗驚悍
任俠而尚氣然亦重畊稼好儒學自唐以漁陽發難
朝廷政令不復逮于河北桀黠之徒爭雄競長竟與
唐室相終始後唐莊宗雖并有幽定兼收鎮魏而甲
兵未釋營平藩籬已不能復固幽薊以南侵擾且日

至矣石晉以燕雲歸契丹而中原肩背遂成倒持之
勢宋靖康之禍其機實兆於石晉筭哉呂中之言曰
燕薊不收則河北不固河北不固則河南不可高枕
而臥而遠人左衽弓亦有詩高捐燕之非計豈非中
外防維幽燕實爲重地哉自遼奎相繼都燕元承其
後益擴而大之明平天下建燕藩以捍北垂太宗遂因
之而成靖難之烈于是營建京邑創垂之迹炳焉其後
復取昌平通易爲三輔紫荆倒爲居庸爲三關而薊遼
雲間爲左右翼衝經緯庶幾益密矣其在天文燕地尾
箕分野而幽易以南于古爲趙地則昴畢分野也

南京古揚州地秦置泗水九江鄣郡會稽等郡漢分屬徐揚二州刺史部唐爲江南淮南等道宋爲淮南江南東西及浙西等路元分江以北隸河南行省江以南隸浙江行省太祖以金陵創業因建爲京師北至豐沛與山東河西至英山與河南湖南至婺源與浙江江西東至于海橫絕江淮控引齊梁楚越大牙繡錯其間拱輔畿甸恢廓幅員雄示前代遠矣永樂十八年定都北京而猶以金陵爲京師正統六年始謂之南京統府十四州四屬州十七縣九十有七爲三萬里撫有疆域自南京北至京師二千五百五十里

應天府隋楚州置金陵秦改秣陵漢丹陽郡吳金陵府南唐江

寧府宋建康府元建太得之曰應天府洪武元年

命為南京以開封府尋復為京師是時重新京城內

撤編江南北洪武門東西安西安門京城周九

費西南曰三山曰石城北曰太平門其西曰神策又

西曰金川曰儀鳳後塞鍾阜儀鳳門西曰清涼門其北則

報則倚山帶江周八十里有門十六東面之門六

日姚坊弘鶴麟滄波高橋雙橋南面之門六曰止

方夾陞鳳臺馴豹大小安德西面之門一曰江東北

北之門三曰佛寧上元觀音蓋東據鍾山西限石頭

江統中定為南京而應天府始故有龍江冰馬驛

漢唐曰上元有洋化鎮巡檢司有故臺城及東府西
州城東南有故秣陵城北有廢江乘白下臨沂等城
東有湖墅城又東北有鍾山山南有孝陵衛洪武末
置北有覆舟山鷄鳴山幕府山又東北有攝山東南
有坊山北濱大江上流自江西彭澤縣流入境下流
至海門縣入海東南有新洲江寧倚秦秣陵地晉置
先武湖東有青溪北有新洲江寧倚秦秣陵地晉置
又古樂遊苑在覆舟山下新洲江寧倚秦秣陵地晉置
南隋移置郭內唐改白上元南唐折置今縣有大勝
驛及江寧馬驛有石頭城故冶城越城西南有故丹
陽城南有聚寶山牛首山西南有三山烈山及慈姥
山西北有靖安河西南有查浦板橋浦新林浦又有
尚鷲洲恭洲馬家渡皆濱大江又西南有大勝關北
有龍江關南有新亭又朱雀航今曰鎮淮橋跨秦淮
河句容漢縣有龍潭水馬及雲亭驛有龍潭橋巡檢司
止句容東南有茅山北有華山秦淮水源于此又有
竹畧山北濱大江有下蜀港又東南有破陽秦縣
朝瀆北有大業壘却鑿所築又有龍潭鎮溧陽秦縣
溧陽州洪武初復為縣舊有上興埠巡檢司今革南
海永世城西有平陵城縣舊產銅及鐵今東南有

鐵山銅山西南有鐵冶山也又伍牙山亦在西南北
有長蕩湖一名汎湖西北有溧水一名瀨水上游丹
陽湖東流為宜興荆溪入太湖隋置元升為州洪
湖舊名永陽江又曰中江也溧水武初復為縣東有
東廬山秦淮水別源出高淳弘治四年分溧水縣高
焉又西南有石白湖高淳鎮置有廣通鎮巡檢
司西南有固城丹陽石白諸江浦縣及淞和二州地
湖東南有廣通鎮俗曰東壩江浦縣及淞和二州地
置縣于浦子口後移今治有江淮驛舊有東葛城驛
陰慶元年革又西江口巡檢司今革東南濱大江
六合漢棠邑縣隋曰六合有棠邑驛有瓜埠巡檢司
葉山又淞河在西南又西有瓦
梁臺南有長蘆鎮及宣化鎮
鳳陽府古塗山氏國西漢淮南國東漢鍾離國東晉
鍾離郡隋濠州唐濠州鍾離郡宋濠州元臨
濠府專復太祖初起於此吳元年復升為臨濠府洪
為濠州

武二十年又升為中都政府為中立府七年又改為

鳳陽府領州五縣計三而直隸府之縣凡六自府至

南京城三百三十里有漆梁鳳陽准縣置有玉莊馬

驛西有荆山裡城蕭梁所置也北濱淮自河南固始

縣流入界下流合天河入海又南有漆水東北流入

淮西南有皇陵城洪武二年置衛又西北有長淮關

洪武中置長淮衛于此東南又有洪塘湖屯田守禦

千戶所洪武臨淮秦鍾離縣本漆州治洪武二年改

北濱淮有邵陽州乘龍洲又懷遠宋置荆山縣為懷

漆水自城東流入淮曰漆口懷遠軍治元改州為

縣以荆山縣省入舊有塗山柳灘二驛今華東有故

當塗城東北有渦口城西有馬頭城又西北有龍

亢城又北有平阿城及古向城荆山在西南又東南

即塗山禹會諸侯處也淮水經兩山峽間又渦水自

河南鹿邑縣流入境至縣東入淮謂之定遠蕭梁置

渦口又南有洛水北流入淮亦曰洛澗定遠縣有池

河馬驛及張橋驛西北有橫澗山南有陽城西有洛

河有東城西有橫澗山南有陽城西有洛河俱流

入淮西南有馬丘聚東有藕塘鎮又有英武五河宋
衛在北飛熊衛在東北俱洪武十一年置
置爲安淮軍治元軍廢舊有安淮驛及上店廵檢司
俱革東濱淮西北有澮河沱河東南有漂河東北有
潼河並流合淮虹漢下丘縣後魏曰夏丘唐曰虹縣
所謂五河也虹西有故虹城北有取慮城西北有
僮城南有汴河自河南永城流入界下流合淮又東
南有潼河西有沱河北有古城姑陵西有垓下聚
○壽州六蓼國楚考烈王遷都于此秦漢九江郡隋
壽州唐壽州壽春郡宋壽春府元安豐路
洪武初復曰壽州以州治壽春縣省入檢司舊有新
站壽春二驛及正陽廵檢司俱革北濱淮西北有下
蔡城又有硖石城在硖石山兩城對峙淮水中流西
南有安豐廢縣南臨芍陂又東北有八公山及紫金山
山東北有肥水自合肥西北流入淮謂之肥水又西
北有潁水自河南沈丘縣流入界入淮謂之潁水
府城六百八十里領縣二霍丘漢松滋縣精白霍

店二巡檢司舊有丁塔店巡檢司今革東南有成猶
廢縣西有陽泉廢縣西南有安風及寧婁廢縣西北
又有廢縣大別山在西南又東陵在蒙城漢山桑
西北有廢縣史河灌水俱自西南流入焉蒙城縣後魏
曰潁陽唐曰蒙城西有廢縣在西北又有下城父聚
西北有駝澗又故番惠聚在西北又有下城父聚
○泗州徐州唐泗州臨淮郡宋泗州元因之洪武初
以州治臨淮縣省入北有泗水驛舊有龍窩驛今革西
汴水自城北南流入淮有州距府城二百里領縣二
縣盱眙秦縣有舊縣巡檢司東有東陽廢縣西有睢
寧陵廢縣又東山在東南又有都梁山隋置都梁宮
於山上東北有龜山又有君山西有浮山北濱淮有
洪澤浦其東有天長後周石梁縣唐曰天長有城門鄉
有法澤鎮東天長後周石梁縣唐曰天長有城門鄉
赤白石梁堰下阿鎮東南有大儀鎮即韓世忠敗金
城鎮東北有下阿鎮東南有大儀鎮即韓世忠敗金

捷不處○宿州古宿國漢沛郡唐洪武初亦曰宿州
野處○宿州置宿州宋元因之有符離廢縣又有竹邑
陽百善道大澗夾溝四驛北有廢蘄縣西南有臨溪城
縣及故相縣南有廢鍾縣及廢蘄縣西南有臨溪城
西北有故靈璧城又北有汴河自河南流入界又難
河亦自河南永城縣流入界下流至宿遷合淮亦曰
小阿池西南又有渙水及澮水又埭橋在北亦名符
離橋西南有大澤鄉又西北有柳子鎮又北有芳亭
州距府城二百三十里靈璧宋置零壁縣尋曰靈
巡檢司西南有齊若山又有磬石山○潁州漢汝陰
黃河在東北有睢河南有汴河○潁州漢汝陰
縣後魏別置縣于此唐潁川汝陰郡宋順洪武初復
昌府金復曰潁州元以州治汝陰縣省入洪武初復
曰潁州潁州有潁水驛及沈丘鄉廵檢司舊有劉龍柳
鄆城潁河在自河南流入境又南有汝水自河南
息縣流入界入于淮亦謂之淮口淮水在南舊黃河
在西北又南州距府城四百四十里領縣二潁上
有朱皋鎮

劉宋僑置樓煩縣隋曰賴上舊有江口甘城二縣今

在東南臨淮河與太和宋置萬壽縣尋曰秦和元改

壽州東正陽相對太和秦爲太有洪山巡檢司舊有

和陽界溝二驛及北原和巡檢司今華

西有故原鹿城南有潁水亦名沙河

○亳州古譙

曰集慶軍金仍曰亳州元因之

縣省入尋降爲縣弘治元年復曰亳州

故城其南有

乾漢又東北有廢建成縣西有渦河自州南鹿邑縣

入渦河又東北州距府城四百五十里

舊有官竹園

淮安府秦屬九江郡東晉置山陽郡隋曰楚州後併入江都唐楚州淮陰郡宋楚州元淮安路

洪武初曰淮安府領州二縣九而直隸府之縣凡六

自府至南京城五百里

山陽倚晉縣有淮陰驛舊又有崇河滿滴二驛

今革又馬邏鄉廟灣羊寨鄉三巡檢司西北有淮陰
城西有新城廢縣宋所置也北濱淮有北神堰即古
末口又西有清江湖亦曰射坡西南有山陽清即邗溝也
又東南有射陽湖亦曰射坡西南有山陽清即邗溝也
有廟灣清河宋縣有清口水驛舊有金城驛今革有
鎮濱海清河馬頭巡檢司又洪澤巡檢司添設原係
舊驛西有清河即泗水也自山東魚臺縣流入境至
此合淮謂之淮泗口亦曰清口今黃河奪泗流以合
淮縣爲黃淮交會之衝又東出以達于鹽城縣晉曰
海縣南又有洪澤鎮以洪澤湖而名有射陽廢縣近
鹽城有喻口鎮清溝二巡檢司西北有射陽廢縣近
射陽湖東濱海宋築堤海上俗謂之塘湖岸地產鹽
南有鹽城監又安東晉僑置襄賁縣隋曰漣水宋置
西北有喻口鎮安東晉僑置襄賁縣隋曰漣水宋置
初改州爲縣有長樂巡檢司東北有廢金城南有淮
水又漣水自西北而南流入淮謂之漣口又西北有
碩項湖東桃源金淮濱縣元曰桃園尋爲園白源有
北濱海桃源金淮濱縣元曰桃園尋爲園白源有
年革改巡檢司又有三義鎮巡檢司舊有白洋巡檢
司今革東有馬致比大河經其北又西北有崔鎮等

宋淮陽郡金
元仍曰邳州
洪武初以州治下邳縣省入

河辛安二驛嘉靖四十五年革改設巡檢司北有直

廢良城及武原城又有艾山接山東沂州界西有沂

水亦自沂州流入界分二流入泗今入大河州距府

也又西北有如河東南有直河皆入大河

城四百五十里領縣二宿遷漢岳猶縣晉曰宿豫

及劉家莊巡檢司西北有故下相縣及司吾廢縣東

南有故凌縣又有廢角城北有峒嵒山下有峒嵒鎮

南有大河即泗水也又東南有睢口即睢水合大河

之口亦曰睢清口亦曰小河口又東南有白洋河西

北有落馬湖睢寧金析宿遷縣置北有

皆入大河
揚州府 漢江都國廣陵郡晉置山陽隋揚州唐揚州
廣陵郡五代揚曰江都府宋仍曰揚州元揚

州太祖得之曰淮海府尋曰維揚府後復曰揚州府

領州三縣七而直隸府之縣凡三自府至南京城二

百二十里

有廣陵驛

江都

倚漢縣有邵伯驛及萬壽邵伯瓜洲鎮上官橋歸仁五巡檢

司東北有廣陵故縣西有廢興縣北有廢新城晉謝安所築西北有蜀岡東有官河古邗溝也南濱大江

有瓜洲鎮即南北渡口有伊婁河又東北有茱萸灣又有艾陵湖北有邵伯湖西北有雷塘又有新塘

又南有皂角儀真州治楊子縣地宋置真州洪武初以

林楊子橋儀真州治楊子縣地宋置真州洪武初以

有儀真水驛及舊江口巡檢司又舊有迎鑿驛今革

東南有故揚子城北有城子山西北有大小銅山南

濱江有白沙洲東有運河秦興口岸黃橋印莊三巡

及陳公塘東北有歐陽戍秦興口岸黃橋印莊三巡

檢司南○高郵州吳邗溝秦高郵亭漢高郵縣唐屬

濱江○高郵州吳邗溝秦高郵亭漢高郵縣唐屬

府洪武初復爲州以州治高郵縣省入二驛及張家

溝時堡二巡檢司西有官河西北有樊梁窰社新開

等湖西南有白馬塘又西有北阿鎮東有三梁鎮

州距府城百二十里領縣二寶應漢平安縣後漢

寶應漢平安縣後漢

寶應漢平安縣後漢

應元曰安宜府尋復爲縣有安平驛及槐樓街陽鎮
二廵檢司西有石鼉城有白水塘又有運河及泥光
白馬二湖東有射興化五代時楊吳折海陵地置有
陽鎮臨射陽湖射興化安豐廵檢司東有得勝湖南
有陵亭鎮東北有白○秦州爲縣唐屬揚州南唐置
駒等鹽場縣產鹽也○秦州爲縣唐屬揚州南唐置
秦州宋因之元秦洪武初以州治海陵縣省入有西
州路尋復爲州秦洪武初以州治海陵縣省入有西
安寧鄉鎮三廵檢司北有新城宋末置東有故海安
城南濱江東有西漢宋置鹽倉于此亦曰海陵監今
仍置司以司鹽稅又州距府城百二十里領縣一
捍海堰亦在州東州距府城百二十里領縣一
如臯晉縣有掘港西場石莊三廵檢司南濱江東有
掘港置營堡于此以戍海口又白蒲鎮在東南
○通州漢海陵東境南唐立靜海都鎮後周靜海洪
軍尋曰通州宋因之元通州路尋復爲州南
武初以州治靜海縣省入有石港狼山二廵檢司南
舊有海門島及布洲夾產鹽西有州距府城四百里
運鹽河又城南有利豐監宋置

領縣一

海門

五代周置大江入海之衝也存吳陵白塔河壩上三巡檢司舊有張港巡

檢司萬曆十年革西北有新橋港東南有料角嘴

蘇州府

吳郡秦漢會稽郡治東漢分爲吳郡隋曰洪蘇州唐蘇州吳郡宋平江府元平江路

武初曰蘇州府

領州一縣七其直隸府之縣凡六自

府至南京城

五百六十里

有姑吳倚秦縣有角頭木蘇驛清東山三巡檢司

舊有橫全巡檢司今華西北有虎丘山山西有橫山姑蘇山西北有陽山西南濱太湖即禹貢震澤也職方

謂之具區亦曰五湖中有包山莫釐山又南有吳淞江與婁江東江爲三江自太湖分流東入海亦即禹

貢所稱長洲倚唐析吳縣置有吳塔陳墓二巡檢司三

江也五代時吳越置有平望驛及震澤汾湖平望同

吳江里簡村五巡檢司舊有松陵驛及瀾溪因濱長

橋三巡檢司俱華西濱太湖東有吳江亦曰吳松江

長橋當太湖分流之口又東南有白蠟江南有平望

驛崑山秦婁縣梁曰崑山元升爲州又徙治太倉驛今
鎮崑山還舊治洪武二年改州爲縣舊有寧海驛今
華有石浦巴城二廵檢司西有故信義縣亦梁置南
浦妻江東南有澱山湖又南有千墩浦東有夏駕浦
皆注于常熟梁置縣有許浦港白茅港黃泗浦三廵
婁江常熟檢司舊有福山港廵檢司今華東有南
沙廢又南有廢常熟縣今縣治晉海虞故縣也唐
移治于此元升爲州洪武三年復爲縣萬曆末避諱
白嘗有虞山北有福山下臨大江有福山港又縣東
有白茅港東北有許浦西北有黃泗浦皆分太湖以
西北之水嘉定宋折崑山地置元升州洪武二年改
注于大江嘉定爲縣有顧遷江灣二廵檢司舊有吳
塘廵檢司今華東濱海又南有吳松江東南有白鶴
青龍蟠龍等江皆匯吳松江入海又劉河在縣北即
婁江也又縣西南有黃渡鎮安亭鎮又東南有吳松
江守禦千戶所洪武十九年置又有寶山守禦千戶
所嘉靖三十六年置協守吳松 ○太倉州元崑山州
中千戶所萬曆五年改今名 ○太倉州地州嘗移
治洪武初爲太倉衛弘治十年改建爲州檢司舊屬

常熟改今屬昔有劉家港舊涇唐舊涇港口等巡檢
司俱革東濱海南有劉河即婁江也其入海處曰劉
河口北有七鴉浦州距府城一百零五里領縣一
亦東入海曰七鴉口

崇明

元置州屬揚州府洪武二年降爲縣八年改屬

蘇州府弘治十年改今屬舊治在縣東北後遷
徙不一萬曆十一年遷今治有三沙西沙二巡檢司
舊有平洋沙巡檢司今革四面環海爲江口捍蔽

松江府

秦婁縣宋秀州華亭縣元洪武初因元領縣
置華亭府又改曰松江府

三自府至南京城七百七十里

華亭

倚唐置縣有
小真村金山

柳橋三巡檢司又有南橋鎮巡檢司係戚木涇萬曆

九年改文舊有陶宅鎮巡檢司今革東有前京廢縣

蕭梁時置東南有金山故城五代吳越置洪武二十

年改置金山衛東濱海北有吳松江西北有趙屯大盈

西有柳湖亦曰三柳東南有黃浦西北有趙屯大盈

頽會崧于盤龍等五浦俱會吳松江入海又獨樹堡
洪武初置營于此東南有柘林鎮南有張堰上海元
鎮又東有青村守禦千戶所洪武二十年置

華亭縣置有三林莊吳松江黃浦三巡檢司舊有南
驗巡檢司今華東北有滄濱城東濱海北有吳松江
東有黃浦東南有川沙堡嘉靖三十六年置又東南
有下沙新場諸鎮又有南匯寶守禦中後千戶所洪
武二十青浦嘉靖二十年析上海華亭縣地置治縣
年置于唐行鎮即今治也屬北有新涇巡檢司又有澱山
置縣于原屬華亭縣改今屬北有吳松江東有頽會
巡檢司原屬華亭縣改今屬北有吳松江東有頽會
等浦西南有澱湖又

常州府

吳地晉分置毘陵郡隋常州路

太祖得之曰

長春府尋復曰嘗州府

萬曆末避諱改嘗

領縣五自府至南

京三百六十里

武進

倚漢毘陵縣晉曰晉陵唐改置武進縣于郭內洪武初以

晉陵縣省入有毘陵驛及小河奔牛鎮溧港三巡檢
司西北有武進故城及蘭陵廢城東南有馬跡山濱
太湖又大江在北西有孟瀆北入江曰孟瀆口又西
南有獨湖西有奔牛鎮又有慶亭西南有遊塘營

無錫漢縣有錫山驛及望亭高橋二巡檢司東南有

阜曰錫山西南有軍將山又西北有芙蓉湖本名射

貴湖舊說以爲五湖之一今堙南有望亭鎮與吳縣

接界舊宜興秦陽美縣隋曰義興宋曰宜興元升爲

曰御亭宜興州洪武初改爲縣有張渚下邳湖沒鍾

漢四巡檢司西南有廢國山城廢綏安城又有君山

及國山又東南有香蘭山臨太湖西北有山有長

蕩湖與深陽接界又南有荆溪上有長橋又西南有

百潰荆溪居數郡下流灌注太湖因疏百潰于湖口

以分其勢今多堙廢江陰蕭梁置縣元爲江陰路尋

又張渚鎮亦在縣南改州爲縣有石頭港之改曰連

洋州尋復故洪武初改州爲縣有石頭港利港二巡

檢司舊有范港巡檢司今革東有廢暨陽縣西有廢

利城縣北有君山濱大江西南又有秦望山東有香

山又中浦在縣西又有夏港及黃田港東有石頭港

及石牌港俱注大江成化七年折江陰縣置縣于

洪縣東有楊舍鎮靖江中馬馱沙有馬馱沙新

港巡檢司今自縣以

北太湖漸爲平陸

鎮江府

漢荆國隋置潤州唐潤州丹陽郡宋曰鎮江府元鎮江路

太祖得之曰江

淮府尋復曰鎮江府領縣三自府至南京城二百里

丹徒

倚漢縣有京口驛又炭渚驛嘉靖四十五年革萬曆三年復又有丹徒鎮安港高資鎮姜

家

菁四巡檢司北有北固山濱大江江中西有金山

東

有焦山又城西江口有蒜山又京覘山在東圖山

在

東北涓江為險又西有徐陵亭東丹陽秦句曲縣

北

有甘露鎮又東有丹徒鎮諫壁鎮丹陽唐曰丹陽

有

雲陽驛及包港呂城鎮二巡檢司舊有呂城驛今

鞏

南有延陵廢縣東有呂城有陵口北有練湖又北

濱

大江西有破岡瀆及長金壇隋末置金山縣唐曰

岡

埭又西北有新豐鎮金壇有湖溪巡檢司

西

有茅山南有長蕩湖北有白鶴溪

廬州府

古廬子國春秋舒國西漢廬江國東漢合肥國隋廬州唐廬州廬江郡宋廬州元廬州路

洪武初為廬州府領州二縣六而直隸府之縣凡三

自府至南京城五百十里有金斗驛舊有西山合肥

倚漢縣劉宋曰汝陰隋復故有派河護城二驛有石

梁鎮巡檢司舊為廬鎮關嘉靖二十四年改東北有

浚道廢縣又有廬縣又東北有滁陽城滁水出其

南東入大江又西有鷄鳴山肥水所出北入淮新城

在其下魏滿寵改築合肥新城或以為即此又西南

有紫蓬山東有浮槎山黃山又東南有四頂山俯瞰

巢湖湖中又有姥山孤山又舒城漢舒縣唐曰舒城

東有店埠河南有三汊河又舒城有梅心三溝二驛

東南有故六城西北有故頓羹城西南有龍眠山三

角山又有七門山下有七門堰又巢湖在東又南有

北峽關與廬江故城東北有冷水關巡檢司西有龍舒

桐城接界又廬江故城東北有冷水關巡檢司西有龍舒

有黃陂湖又廬江故城東北有冷水關巡檢司西有龍舒

冷水關在西○無為州宋無為軍元無為路尋降州

洪武中以州治無為縣省入有與龍河鎮黃落河泥

檢司又有焦湖巡檢司舊為河泊所萬曆十一年改

南有故襄安城東北有濡須山麓有東關又有濡

須塢亦曰堰月城皆三國吳置有濡須水又有馬磯河皆自巢河分流東南入江又南有溇潭鎮濱江

州距府城二百八十里鎮縣一巢秦居巢縣唐曰鎮巢

軍元改爲州尋降爲巢縣有鎮巢驛及高井馬驛西

北有索臯城臨拓臯河東有東山東南有七寶山與

濡須山對峙三國魏置西關其上南有弔蜀山即坻

箕山巢湖在西南有石梁河即濡須上流也東南又

有清溪又有徐塘亦○六安州爲盛唐縣晉六安縣

曰徐碣在濡須東岸○六安州爲盛唐縣晉六安縣

唐壽州盛唐縣宋洪武初以州治六安縣省入尚和

六安軍元六安州改今屬又舊有故埠巡檢司今革

巡檢司舊屬霍山改今屬又舊有故埠巡檢司今革

西有開化廢縣北有故馬頭城西有寨基山又有溇

水亦曰州距府城百八十里領縣二英山宋置縣

流越檢司西北有多雲山接霍山漢灑縣隋曰霍山

湖廣羅田縣界西有天人山宋省縣爲故埠鎮

弘治二年復置冷縣有千羅上土市二巡檢司舊有

麻埠巡檢司今革東北有故灑縣東有廢溇水縣南

有霍山亦曰天柱山亦曰衡山又謂之南岳也東南有鐵爐山多鐵冶又西南有四十八盤山又潯河在

東源出霍山下流至壽州入淮

安慶府

漢皖國東晉分廬江立晉熙郡隋改同安郡治懷寧唐舒州同安郡宋安慶州元安慶路

太祖得之改曰寧江府尋復曰安慶府領縣六自府

至南京城六百五十里

懷寧

倚漢皖縣晉曰懷寧有同安驛及長風夾

鎮巡檢司舊有觀音港巡檢司今革南濱大江西桐有皖水流入焉曰皖口有皖口鎮又西有石牌山桐

城漢樞陽縣唐曰桐城有陶冲呂亭二驛及六百丈

革東南有故樞陽城東有浮山北有北碛山下有

與舒城接界又北曰西碛山亦謂之南碛石對壽州

硤石則此為南也舊有南碛戍西又有掛潛山元折

車嶺東南濱江有樞陽河自西北流入焉潛山懷寧

地置有青口驛及大堂寨巡檢司西北有瀞山亦曰瀞

天柱山亦曰皖公山即霍山也皖水出焉別源曰瀞

水合流注大江又西有吳太湖劉宋置有小池驛及塘陂西北有故野人原寨太湖後部白沙二巡檢司舊有小池巡檢司今革西北有司宿松曰宿松有楓空山西南有太湖縣因以名今埋宿松有楓香驛及小姑山涇江口鎮歸林灘鎮三巡檢司東有馬頭山又小姑山在縣南大江中與江西彭澤縣接界又南有望江新治縣隋曰望江有雷港驛及雷桑落洲有雷望江港口楊灣口二巡檢司南濱江東有雷池南入江亦曰雷港亦曰雷江口亦曰大雷江今縣即故大雷戍也又西有泊湖北有慈湖東北有漳湖下流俱入江

太平府

晉析丹陽宣城二郡地立淮南郡及當塗縣治于湖隋屬蔣州唐屬宣州南唐置雄遠軍

宋太平州太祖得之改爲府領縣三自府至南京城元太平路

百三十五里

當塗

倚晉置于湖縣尋僑置當塗縣於此有采石驛及采石大信二

巡檢司南臨姑孰漢亦曰姑孰城又西南有博望山亦北有采石山又有牛渚折濱江又西南有博望山亦

曰西梁山與和州東梁山隔江對峙又西南有福山
東南有青山又丹陽湖在東南分流爲蕪湖漢縣有魯
江又南有黃池河有黃池鎮又西南蕪湖港驛及河
有九信河又北有慈湖水皆入大江蕪湖港驛亦曰阜
口鎮廵檢司西南有慈湖故城東有鳩茲港亦曰阜
慈父西南有戰鳥山在大江中西北有七磯南有魯
明江津有石碗渡又繫蜀東晉僑置縣有荻港驛
有魯港河俱注大江及三山荻港二廵檢司
西南有赭圻城南有磔山在江中又三山磯在東北
濱江又西南有荻港流入江又有濃湖今堙又西南
有鶴尼洲東北有虎檻洲舊皆在
江中不故南陵戎亦在西南濱江
池州府吳石城侯邑唐池州秋浦太祖得之改曰池
州府領縣六自府至南京城五百五十里貴池倚
秋浦縣楊吳改今名有池口李陽河二驛及李陽河
延檢司舊有池口鎮廵檢司今華西有廢石城縣東
有故虎林城南有薛山北濱江西有池河亦曰貴池
北流入江謂之池口又東有梅根港北達江港口有

梅根監為六朝冶鑄處文大通河在東北李陽河青
在西俱流注於江西南有烏石山寨西有城山寨有九
在唐置縣南有陵陽廢縣又有廢臨城縣西南有九
陽華山又北有青山西有五溪水出九華山又南有
臨城河俱會銅陵唐末置義安縣在縣東故銅官通
好通河入江銅陵南唐移治銅官鎮改今名有銅官通
驛及城山西巡檢司北有鵲頭山臨江又南有銅官山
刺有城山濱大江東北有下家洲口又南有銅官山
河北有荻港石埭梁置縣西有石埭故城在北有陵陽
河俱入大江建德唐置至德縣楊吳改今名有永豐鎮
蕪湖縣之建德唐置至德縣楊吳改今名有永豐鎮
魯港入江建德唐置至德縣楊吳改今名有永豐鎮
流俱入江又西南有永東流司舊有雁江香口鎮二
豐鎮道通西江都陽界東流司舊有雁江香口鎮二
巡檢司俱革西南有馬當山枕大江與江西彭澤接
界又北有吉陽磯西南有香山枕大江與江西彭澤接
寧國府秦郭和漢丹陽郡治宛寧國府晉宣城郡隋宜
州唐宜州宣城郡宋曰寧國府老寧國路宜
太祖得之改曰寧安府又曰宣城府尋曰宣州府吳

元年復曰寧國府領縣六自府至南京城三百十里
宣城隋漢宛陵縣隋曰宣城有水陽黃池鎮二
亭山南有華陽山西有青弋江東有句溪又曰宛溪
俱合流至蕪湖縣入江又南湖在府東北亦流注於
溧南也蕭梁置縣治諸圻唐移于故青陽城即今治
南有崑山又東有青弋江西南有宣城故城西有工山
子青弋江又東南有永豐陂南有大農陂俱唐置
溧州縣有茹麻嶺巡檢司西有五城山又東北有柏山
亦有白龜城相傳隋末左難當所築又賞溪在西亦
曰溧溪其上流即舒溪也又東南有藤溪流合賞溪
下流入青弋江東南又有寧國三國吳置縣有岳山
蘭石鎮又黃沙鎮在縣東西北有文春山西有紫山
廢懷安縣又有故烏石城東北有千秋嶺有千秋關
西南有籠叢山上叢山關東有千秋嶺有千秋關
與浙江於潛縣接界又東有東溪出於潛旌德唐置
天且山西有西溪出籠叢山即句溪上源旌德有三

溪巡檢司北有石壁山西有正山西南有蛟山有大

若嶺又東有徽水自績溪縣流入即藤溪上流也

平唐置有宏澤巡檢司南有黃山西有龍門

徽州府秦鄣郡地漢屬丹陽郡吳置新安郡治始新

歙州新安郡宋曰歙州治黟縣改治休寧又移歙縣唐

州府領縣六自府至南京城六百八十里歙縣倚秦

黃山街口玉千寨三巡檢司有烏聊山東北有玉屏

山北有飛布山西北有黃山亦曰黟山新安江出焉

東浦流為歙浦又東北曰新安江至浙江建德縣合東

陽江為浙江上源又揚之水在西亦曰徽溪合于歙

縣嶺上接浙江昌化縣又南有街口鎮又東有星嶺關在

第嶺有休寧三國吳置休陽縣隋曰休寧有次履巡

蘿山陳有滿安山嶺休寧縣治此西有白嶽山西滿

有嶺公山又有新山新安江別源出焉又南有白嶽

山又有方源山亦曰馬金嶺又有東密巖西南有新
嶺又有浙溪江流合率山之率水又西有白鶴溪下
流合于婺源唐置元升爲州洪武二年降爲縣有太
浙溪巖田萬曆九年改北有浙源山一名浙嶺浙溪
原係巖田萬曆九年改北有浙源山一名浙嶺浙溪
出焉亦新安江別源也又東南有石耳山西北有大
連山又有大廣山婺水所出南流祁門嶺巡檢司東
達于鄱陽湖又有芙蓉嶺在縣東南流黟秦縣西
北有祁山北有大共山新安水出焉南流黟秦縣西
入江西浮梁界又西有新安山武陵廟流有鶴溪
歷山又有武亭山橫江水出焉又魚亭山在縣南有
又東北有吉陽山吉陽水出焉又魚亭山在縣南有
魚亭水俱績溪蕭梁置良安縣唐曰績溪有濠寨巡
流合橫江績溪檢司西北有嶽嶺山東有大郭山浙
水出焉亦新安江別源也又龍叢山在東
北有叢山關揚之水出焉流合大鄣山水
徐州大彭氏邑秦彭城縣漢分沛郡置徐州改彭城
州彭城郡宋徐州魏立彭城郡隋爲徐州改爲郡唐徐
降爲武安州以州治彭城縣省入洪武初復曰徐州

有利國監房村夾溝三驛又有黃河東岸挑山彭城
三馬驛又舊有石山驛嘉靖四十五年革有呂梁洪
巡檢司東有故呂城北有埧城俗曰茶城有雲龍山
亦曰石佛山北有九嶷山俗曰九里山又有索驢峴
又東南有寒山又有呂梁山泗水所經曰呂梁洪又
赭土山在西又西南有任山東北有盤馬山山大河
官置鐵官宋利國監亦在泗水下又有銅山又大河
河南永城縣流入界東合泗水在東北合大河
而東經百步洪呂梁洪入邳州界又睢水在州南又
有穀水即睢水支流也又西有高家戍城南有戲馬
臺領縣四自州至南京城一千里蕭秦縣舊有
治此萬曆五年徙今治有趙家園巡檢司又西有村
秋廢縣西南有秋陽廢縣又丁公山在南又有永固
山下有永固廢縣元置今爲鎮又大河在北有秦縣
舊爲汴河所經南有睢水又西北有古亭沛有泗
亭驛隆慶元年移夏鎮北有湖陵故城東北有故廣
戚城東南有留城南有大河東有泗水自山東有魚
縣流入境又泡河在西薛河在東又西北有沙河
北沙河皆會于泗水又昭陽湖在縣東又西北有沙河

河鎮東北有夏鎮豐漢縣大河在南北有豐水即
又城南有飛雲橋豐泡河也東北又有故粉榆社礪
山秦陽縣後漢曰礪山東南曰礪山其北有芒山與
南有夾河南
有孤父聚

濂州秦漢九江地晉南燕郡宋新昌郡唐濂洪武初

以州治清流縣省入巡檢司東有故建陽城西有南

燕城南有瑯琊山西北有西流山清流水出焉合於

濂河清流閔在其南又濂水自合肥境流入下流至於

六合縣領縣二自州至南京城一百四十五里全

椒秦縣東南有故阜陵城西南有廢豐樂城又九關

水來安唐置永安縣南唐曰來安東北有五湖山下

清流河又東南有石固山又來安水在東東南合

湯河入濂河

和州秦原隄縣洋淮南區晉置歷隄郡北齊置和州治此唐和州歷陽郡宋和州元和州路尋復為

州洪武初以州治歷陽縣省入三年改州為歷陽縣

十四年復為和州有當利馬驛及牛屯河浮沙口裕溪河鎮三巡檢司舊有祁門雍家

城二驛今革東北有烏江廢縣西有故遇胡城又梁山在南亦曰西梁山與太平府博望山夾江對峙山

下有梁山鎮又西北有鷄籠山六合山又北有夾山

中有夾山關又橫江在東南南對采石磯亦曰橫江

浦東有楊林渡又有當利浦東北有烏江浦皆大江

別浦也又柵江在西南即濡須入江之口又南有白

石水又有裕溪河源出巢湖皆南流注江又內有銅

城堰又有麻湖亦曰瀝湖今堙西北有石湖關又有

斗堽領縣一自州至南京城百三十里舍山晉僑

亢縣唐曰舍山舊有界首驛今革南有廢龍亢城東

北有大峴山北有小峴山之西有故昭關又西有

舍山縣因以名也南有白石山之西有昭關又西有

濡須山與無為州接界西對巢縣之七寶山濡須水

出其間即東關口也又南有三义河

東合裕溪入江縣北又有尉子橋

廣德州吳桐汭秦屬鄆郡西漢故鄆縣地爲廣德國

安縣唐曰廣德縣爲宣州太祖得之爲府洪武四年

治宋置廣德軍元廣德路

降爲州十三年以州治廣陽縣省入有杭村陳陽廣

有廣德故縣州治故石封縣也又西有橫山南有靈

山又桐水在西北亦曰桐川即古桐汭下流滙丹陽

湖入江亦名白石水又東有苦嶺

關路通浙江安吉州又有四安鎮領縣一自州至南

京城五百里建平宋析廣德縣地置治廊埠鎮有

司今華西南有桐川又有南琦南京跨據江淮包絡湖海地廣物繁財賦滋殖自昔

號爲富庶得其地足以生聚教訓養民致賢語形勝

於東南南其最矣然而江淮以北俗近椎魯土著
而民徃徃詘於治生其強豪者或習射獵爲奸盜而
富商大賈恒走集其間居積魚鹽乘時射利益兼有
齊楚之風焉自泚以南俗益輕靡類以淫巧相誇尚
而喜巫尚鬼酒食相徵逐至于今不替然好儒術喜
文辭風雅彬彬斯爲盛矣當唐之季楊氏以江淮之
地抗衡中土迄於南唐猶能撫視羣雄宋室不競竄
遠遼南而保淮保江偏安者亦復累世元季以江淮
資事東南資儲不復達于燕薊日以瘠弱而至于亡
然則口上虞未始非強兵廣地之先資也司馬遷

曰吳有海鹽之饒章山之銅三江五湖之利今三吳之地號爲九州膏腴而淮南多耕屯故轍所稱鄗水之利是也明季以降賦重役繁野多曠土亦非復曩時之盛矣昔人嘗言守江不如守淮而守淮南不如守淮北太祖以淮上布衣起濠滌而定金陵遂以經營四方奄定六合其所區畫大抵訪求前謨垂爲定制此包江越淮與兗豫相出入者豈非制馭之大權歟其在天文斗則吳分野